

圖

註

難

經

三

合本

冊

巡

古

題

船

述秦越人註張明

圖註八十一難經辨真卷之三

盧國 秦越人 述

四明 張世賢 註

三十七難

三十七難曰五藏之氣於何發起通於何許可曉以不然五藏者當上關於九竅也故肺氣通於鼻鼻和則知香臭矣肝氣通於目目和則知黑白矣脾氣通於口口和則知穀味矣心氣通於舌舌和則知五味矣腎氣通於耳耳和則知五音矣三焦之氣通於喉喉和則聲鳴

矣

夫二句乃
潔耳所加

五臟在下九竅在上故曰上關九竅上者身之上也
九竅之 諸家皆云陽竅七陰竅二次內爲下次外
爲上謂之上關九竅獨潔古云耳二目二鼻孔二口
一舌一喉一穴九竅也諸家之說皆以舌不爲竅固
爲得理殊不得越人之言且肝氣通於目至腎氣通
於耳正言五臟上關九竅也若以陽竅七陰竅二爲
是本文心氣通於舌舌和則知五味二句無着落矣
若數舌爲一竅共得十竅十八九竅不若潔古之言
尤爲得理又況不遺本文上關九竅上字抑且親切
禹故依潔古之註而辨諸家之失五味辛甘酸苦鹹

也五音宮商角徵羽也

五藏不和則九竅不通六腑不和則留結爲聚

不和者邪居之也肺氣不和則鼻不知香臭肝氣不和則目不知白黑脾氣不和則口不知穀味心氣不和則舌不知五味腎氣不和則耳不知五音三焦不和則喉不鳴利六腑爲陽而主氣不和所氣不流通停留結聚而爲種矣

邪在六府則陽脈不和陽脈不和則氣留之氣留之則陽脈盛矣邪在五藏則陰脈不和陰脈不和則血留之血留之則陰脈盛矣陰氣太盛則陽氣不得相榮故曰

格陽太盛則陰氣不得相榮也故曰關陰陽俱盛不得相榮也故曰關格關格不得盡其命而死矣

六脈屬陽肌肉上爲陽脈邪氣遊于六腑則肌肉上之脈不和陽爲氣而主外肌肉上脈不和則邪氣停留于皮膚而不散邪氣停留陽脈于而偏盛矣五臟皆屬陰肌肉下爲陰脈邪氣在五臟則肌肉下脈不和陰爲血而主內肌肉下脈不和則血邪停留于肉理血邪一留陰脈于是而偏盛矣格相也內格則外脈不得入所以偏陰留盛則陽氣不得榮故曰格陽關閉也外關則內脈不得出所以偏陽獨盛則陰氣

不得榮故曰關陰陰內陽外三者俱盛榮衛否塞氣血不得相榮是爲閉格夫人之所以生者氣血榮運也氣血卽不榮運是以不得盡其而死矣


經言氣獨行於五藏不榮於六府者何也然夫氣之行如水之流不得息也故陰脉榮於五藏陽脉榮於六府如環無端莫不其紀終而復始而不覆溢人氣內溫於藏府外濡於腠理

夫當作人

氣之運行者如水之流不舍晝夜故三陰之脉榮於五藏三陽之脉榮於六府氣血之行陰而陽陽而陰如環之無端莫知其盡紀終于肝始于肺旣終而又

復始覆者諸陰不足陽入乘之也又人人亦謂之覆
 溢者諸陽不足陰出乘之也又上魚亦謂之溢陰陽
 各安其常則脈無覆溢之患既不覆溢人身之氣內
 則臟腑溫和外則腠理潤澤腠理者毛孔文路也

三十 七難 五藏 上関 九竅 之圖



海



肝 九竅者目二舌一
 心 口一鼻孔二耳二
 脾 喉一是也三焦雖
 肺 不係五藏之列其
 腎 原起於腎間而出
 焦 入五藏者也

三十八難

三十八難曰藏唯有五府獨有六者何也然所以府有六者謂三焦也有原氣之別焉主持諸氣有名而無形其經屬手陽此外府也故言府有六焉

少手下二字

三焦合氣于腎腎爲原氣之正三焦爲氣之別三焦主持一身之氣無狀而空有上中下之名其經屬手之少陽其腑不同各腑之在內而獨在于氣衝之分腑也者內焉五外焉六所以言腑有六也

三十八難五府六圖




三十九難

三十九難曰經言府有五藏有六者何也然六府者止有五府也然五藏亦有六藏者謂腎有兩藏也其左爲腎右爲命門命門者謂精神之所舍也男子以藏精女子以繫胎其氣與腎通故言藏有六也府有六者何也然五藏各一府三焦亦是一府然不屬於五藏故言府有五焉

腑五者膽胃大腸小腸膀胱也臟六者肝心脾肺腎命門也命門之氣與腎相通因其相通其腑故同膀胱也三焦亦是一腑配合已終不與五臟相關三焦

非正腑所以言腑有五也

三十九難五臟六腑圖




四十難

四十難曰經言肝主色心主臭脾主味肺主聲腎主液鼻者肺之候而反知香鼻耳者腎之候而反聞聲其意何也然肺者西方金也金生於巳巳者南方火火者心火主臭故令鼻知香臭腎者北方水也水生於申申者西方金金者肺肺主聲故令耳聞聲

肝木也木之華萼敷布五色故肝主色心火也火之化物五臭出焉故心主臭脾土也味自土生故脾主味肺金也聲出於金故肺主聲腎主水也液主水屬故腎主液肺主聲鼻屬於肺不能聽聲而反知香臭

腎主液耳屬於腎不爲液而反能聞聲果如何耶蓋
由肺屬西方金金長生在巳南方巳午未巳正火臨
官之地火在藏爲心心主臭鼻雖屬肺肺金生于心
火之位故令鼻知香臭腎主北方水水長生在申酉
方申酉戌申在金臨官之地金在臟爲肺肺主聲耳
雖屬腎腎水主於肺金之位故令耳能聞聲

十四難發明耳聞鼻臭圖



此圖言五行左旋而屬陽者也陰則以培胎之位為受氣之位而右旋也土則寄王四季於辰戌丑未之月各王一十八日萬物所知所能皆和長生之時不在臨官帝王之位

四十一難

四十一難曰肝獨有兩葉以何應也然肝者東方木也木者春也萬物之始生其尚幼小意無所親去太陰尚近離太陰不遠猶有兩心故今有兩葉亦應木葉也

水爲木父王爲木母發生于春當春之時根荄芽申萌動之始其形尚幼小而未大初生獨立其意無別物所親水土以資其生所親者惟二物而已自彼至此謂之離自此至彼謂之去太陰脾土也太陽膀胱水也肝之位居于右在脾之下而在膀胱之上脾尤近肝故口尚近水土異處所以猶有兩心因其兩心

十四難一肝有兩葉入圖

故有兩葉亦應木之生也肝凡七葉今云兩葉者左
三葉爲一葉右四葉爲一葉也



四十二難

四十二難曰人腸胃長短受水穀多少各幾何然胃大一尺五寸徑長二尺六寸橫屈受水穀三斗五升其中常留穀二斗水一斗五升小腸大二寸半徑八分分之少半長三丈二尺受穀二斗四升水六升三合合之大半迴腸大四寸徑一寸半長二丈一尺受穀一斗水七升半廣腸大八寸徑二寸半長二尺八寸受穀九升二合八分合之一故腸胃凡長五丈八尺四寸合受水穀八斗七升六合八分合之一此腸胃長短受水穀之數也